



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad
Annum 1746

Luxemburgi, 1752

XXIV. Confirmatur Militia Sancti Januarii Episcopi, & Martyris a Carolo Rege
utriusque Siciliæ erecta; ejusque Officialibus; & Militibus plura Indulta, &
Privilegia conceduntur. 30. Junii.

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

XXIV.

Confirmatur Militia S. Januarii Episcopi, & Martyris a Carolo Rege utriusque Siciliae erecta, ejusque Officialibus, & Militibus plura Indulgentia, & Privilegia conceduntur.

BENEDICTUS EPISCOPUS,

Servus Servorum Dei. Ad perpetuam rei memoriam.

Prooemium.

ROMANA Ecclesiae benignitas spirituales gratias, & favores liberaliter impertire solet Catholicis Principibus, quorum eximia devotio, fideique sinceritas, & praecleara Majorum virtutum merita in ejus conspectu clarere noscuntur, & piis eorum votis annuens, quae ad augendum Divinum Cultum, fovendamque Christianorum pietatem laudabiliter ab eis instituta sunt, Apostolicae confirmationis praesidio munire non recusat, prout in Domino conspici salubriter expedire.

Militia S. Januarii a Rege utriusque Siciliae erecta.

§. 1. Nuper quidem exposuit Nobis Dilectus Filius Noster Trojanus Tit. S. Caeciliae S. R. E. Cardinalis de Aquaviva nuncupatus nomine Charissimi in Christo Filii Nostri Caroli Siciliae, & Hierusalem, & Terrae citra Pharus Regis Illustris, & Infantis Hispaniarum, quod ipse Carolus postquam de praefato Regno ex gratia, & liberalitate Sedis Apostolicae a Sede praedicta meruit investiri, atque ea, quae ad ejusdem Regni felix regimen, ac firmum praesidium conducerent, providè disposuit, volens religionem suam, ac pietatem erga Deum, per quem Reges regnant, & legum Conditores iusta decernunt, & piam animi devotionem erga gloriosum Martyrem, & Episcopum Januariarium Neapolitanae Civitatis, & totius Regni Patronum, illustri actu omnibus testatam facere, necnon aliquod praecipuum habere, unde gratis, acceptisque personis, optimè de se, ac Regno meritis, Regiae voluntatis testimonium posset provenire, ad laudem, & gloriam Omnipotentis Dei, ad Catholicam Religionis propagationem, & defensionem, ac Christianae pietatis augmentum unam laudabilem Confraternitatem, seu Societatem Nobilium Militum, ad instar alterius celeberrimae Societatis, seu Militiae Velleris aurei nuncupatae, pro sexaginta Fratibus, seu Militibus, vel etiam pro quocumque majori, vel minori eorundem numero, prout Primati ejusdem Societatis magis placuerit, una cum Cancellario, Thesaurario, Secretario, & Cereemoniarum Magistro, quorum Caput, & Primas Ipse, & qui in dicto Regno Siciliae ei legitime succederet, esse deberet, sub titulo, seu invocatione, & patrocinio ejusdem S. Januarii Episcopi, & Martyris, quibusdam praescriptis Regulis, ac Capitulis, instituit: Ut verò praefatae Societati ab Eo, ut praefertur, instituta spiritualium gratiarum dona, honor, firmitas, & decus valeant accedere, Nobis pro parte dicti Regis Caroli humiliter supplicavit, ut Apostolicis gratis, & favoribus eam prosequi, & de Nostra benignitate pro praedictae Societatis, seu Militiae majori stabilitate, ac spirituali directione, conservatione, decore, & ornamento opportunè providere dignemur.

Militum numerus, & Officialium munera.

§. 2. Nos igitur, qui eundem Carolum Regem speciali dilectionis affectu ex visceribus charitatis prosequimur, & ejus commendabile institutum promovere in Domino desideramus, hujusmodi supplicationibus inclinati praenominatam Societatem, seu Militiam sub invocatione, & protectione S. Januarii Episcopi, & Martyris, cum quibusdam laudabilibus Regulis, Ordinationibus, & Statutis erectam, de nonnullorum Venerabilium Fratrum Nostrorum

Confirmatio Summi Pontificis.

S. R. E. Cardinalium consilio, auctoritate Apostolica tenore praesentium approbamus, & confirmamus, & perpetua, ac inviolabilis firmitatis robor adjicimus.

§. 3. Praeterea eundem Carolum Regem, & dictam Societatem, seu Militiam specialibus gratis, & favoribus prosequi volentes, Primati, Cancellario, Thesaurario, Secretario, & Cereemoniarum Magistro Societatis, seu Militiae hujusmodi nunc, & pro tempore existentibus, & praeterea sexaginta Confratribus, vel etiam majori eorum numero, dummodo tamen numerum centum Fratrum, seu Militum, comprehensis etiam dictis Officialibus non excedant, auctoritate praedicta concedimus, & impartimur, ut Cancellarius ipsius Societatis pro tempore existens in Episcopali, seu Archiepiscopali dignitate, prout in Statutis ejusdem Societatis continetur, constitutus, seu Presbyter ad audiendas confessiones idoneus, per ipsum tamen Cancellarium ad hoc deputandus, vel per ipsos Confratres, eosdemque Officiales extra fines dicti Regni utriusque Siciliae commorantes, ex approbatis tamen a Locorum Ordinariis eligendus, ipsos, & eorum singulos ab omnibus, & singulis excommunicationis, suspensionis, & interdicti, aliisque Ecclesiasticis sententiis, censuris, & poenis a jure quavis occasione, vel causa latis, seu inflictis, necnon ab omnibus eorum peccatis, criminibus, excessibus, & delictis, quantumcumque gravibus, & enormibus, etiam Apostolicae Sedi qualitercumque reservatis, (non tamen de reservatis Locorum Ordinariis) de quibus ore confessi, & corde contriti fuerint: de reservatis autem qualitercumque Sedi Apostolicae semel in vita, & in mortis articulo, etiam si mors secuta non fuerit; de aliis verò eidem Sedi non reservatis, quoties opus fuerit, in Foro conscientiae dumtaxat absolvere, ac eis, & eorum cuilibet pro commissis debitam absolutionem impendere, & poenitentiam salutarem injungere; necnon vota per eos pro tempore emissa (ultramarino, Visitationis Luminum BB. Apostolorum Petri, & Pauli, ac S. Jacobi in Compostella, necnon castitatis, & Religionis votis dumtaxat exceptis) in alia pietatis opera commutare; necnon in mortis articulo, etiam si mors non subsequatur, plenariam omnium peccatorum suorum remissionem, & indulgentiam, & Apostolicam Nostram benedictionem, per se ipsum, vel per alium quemcumque idoneum Sacerdotem per singulos Fratres eligendum, impendere possit, ac valeat.

§. 4. Insuper ut liceat eidem Primati, Officialibus, Confratribus Societatis, seu Militiae praedictae in privatis domorum suae habitationis in quacumque Civitate, ejusque Diocesi existentibus Oratoriis ad hoc decenter muro extructis, & ornatis, seu extruendis, & ordinandis, ab omnibus domesticis usibus liberis, per Ordinarium Loci prius visitandis, & approbandis, ac de ipsius Ordinarii licentia, unam Missam pro unoquoque die, dummodo in iisdem diebus celebrandi licentia, quae adhuc duret, alteri concessa non fuerit, per quemcumque Sacerdotem ab eodem Ordinario approbatum, saecularem, seu de Superiorum suorum licentia Regularem, sine tamen quorumcumque jurium Parochialium praesidio, ac Paschatis, Resurrectionis, Pentecostis, & Nativitatis Domini Nostri Jesu Christi, aliisque solemnioribus anni Festis diebus exceptis, in sua, ac familia, & in hospitum Nobilium suorum praesentia, etiam per unam horam ante auroram, & eadem per horam post meridiem, si aliqua urgente necessitate detenti fuerint, celebrari facere; necnon, si forsan ad Loca, & Terras Ecclesiastico interdicto, tam Ordinaria, quam Apostolica aucto-

Conceditur Cancellario facultas absolvendi, vel Confessarium deputandi.

Eligendi verò Militibus extra Regnum exten.

Pro absolutione a censuris, & peccatis S. Sedi reservatis, semel in vita, & in morte.

Et pro commutatione Votorum.

Et concessione Indulgentiae Plenariae in articulo mortis.

Eisdem conceditur Orationum domesticarum.

Cum facultate celebrari faciendi una hora ante Auroram, & post meridiem.

Et tempore Interdicti, clausis januis &c.

Et recipiendi Sacramenta durante Interdicto.

Indulgentia Plenaria in diebus Feltis in honorem S. Januarii.

Indulgentie Stationales.

Indultum vescendi lacticiis in Quadragesima, ac etiam caribus, cum opus fuerit.

Derogatur contrariis.

ritate suppositas, eos declinare contigerit, dummodo causam non dederint huiusmodi interdicto, nec eis specialiter interdictum sit, & fecerint quantum in eis fuerit, ut in iis, propter quæ interdictum ipsum dicta auctoritate Apostolica pro tempore appositum fuerit, paritio fiat, & ea executioni debitæ demandentur, ac per eos non steterit, quò minus pareatur, per quemcumque Sacerdotem ab Ordinario approbatum, in sua, & cuiuslibet ipsorum Familiarium, Domesticorum, Parentum, Consanguineorum pro tempore existentium presentia, Missas, & alia Divina Officia in dictorum Locorum, & Terrarum Ecclesiis, submissa voce, clausis januis, & non pulsatis Campanis, ac excommunicatis, & interdictis exclusis, celebrari facere, illaque audire, & eis interesse, necnon tempore Interdicti huiusmodi Sacram Eucharistiam, & cetera Sacramenta recipere, ipsisque dicto tempore decedentibus, eorum corpora Ecclesiastica Sepultura, sine tamen funerali pompa, tradi possint, salvis iuribus Parochialium Ecclesiarum.

§. 5. Singulis autem anni diebus, & per eorum octavas, quibus eiusdem Beati Martyris Januarii memoria recolitur, & festum celebrari solet, nempe primo Sabbato mensis Maji, die decimasexta Decembris, omnibus & singulis Confratribus, seu Militibus, & Officialibus Societatis, seu Militiæ prædictæ ubicumque existentibus, verè poenitentibus, & confessis, ac Sacra Communione refectis, qui aliquam Ecclesiam devotè visitaverint, & pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, plenariam omnium peccatorum suorum Indulgentiam, & remissionem, de Omnipotentis Dei misericordia, & BB. Apostolorum ejus Petri, & Pauli auctoritate confisi, misericorditer in Domino concedimus: Quodque unam, vel duas Ecclesias, seu duo vel tria Altaria unius, vel diversarum, in partibus, ubi singulos eorum pro tempore residere contigerit, per eos, & eorum quemlibet eligendas, seu eligenda, quadragesimalibus, & aliis diebus Stationum Ecclesiarum Urbis, & extra muros ejus, devotè visitando, omnes & singulas Indulgentias, & peccatorum remissiones etiam plenarias consequantur, quas consequerentur, si eisdem temporibus, & diebus Stationum, Basilicas, & alias Ecclesias Urbis, & extra ejus muros ad id deputatas personaliter visitarent.

§. 6. Et demum tam quadragesimalibus, quam aliis anni temporibus, & diebus, quibus esus carnis, ovorum, casei, butyri, & aliorum lacticiorum est prohibitus, eisdem ovis, caseo, butyro, & aliis lacticiis, ac etiam, si necessitas, vel infirma corporis valetudo, ac alia quæcumque indigentia exegerit, carnis, de utriusque Medici consilio, exceptis tamen diebus Majoris hebdomadæ, die Cinerum, seu feria quarta in capite jejunii, Vigiliis Natalis Christi Domini, Pentecostes, BB. Apostolorum Petri, & Pauli, Assumptionis B. Mariæ Virginis, & quatuor temporum, uti, & vesci, servata tamen lege jejunii per unicam comestionem, aliisque contentis in nostris Literis novissimè emanatis, sub Datum Romæ die 30. Maji 1741. quibus nullatenus per has presentes intendimus derogare, liberè, & licitè valeant, Apostolica Auctoritate prædicta eorundem tenore presentium de speciali gratia concedimus, & indulgemus.

§. 7. Non obstantibus quibusvis Apostolicis, necnon in Provincialibus, & Synodalibus Conciliis editis, generalibus, vel specialibus Constitutionibus, & ordinationibus, statutaris, & consuetudinibus, confirmatione Apostolica, vel quavis alia firmitate roboratis, ac quibusvis suspensionibus, seu limitationibus similium remissionum, & facultatum per Nos, & Sedem præ-

dictam quomodolibet factis, & faciendis, quibus quoad præmissa, illis aliis in suo robore permanens, hac vice dumtaxat specialiter, & expressè derogamus, cæterisque contrariis quibuscumque.

§. 8. Volumus autem (ne, quod absit, propter huiusmodi concessionem, & remissionem, Confratres, ac alii prædicti reddantur procliviores ad illicita in posterum committenda) quod si a sinceritate fidei, unitate Romanæ Ecclesiæ, ac obedientia, & devotione Nostra, vel Successorum Nostrorum canonicè intrantium huiusmodi desisterint, aut ex confidentia ejusdem concessionis, vel remissionis aliqua commiserint, concessio, & remissio prædicta, ac quoad illos presentes literæ eis nullatenus suffragentur.

§. 9. Cæterum, quia difficile foret præsentibus nostras literas ad singula loca, ubi opus esset, deferri, volumus, ut earum exemplis, etiam impressis, manu tamen Notarii publici subscriptis, & Cancellarii ejus Societatis, seu Militiæ sigillo munitis, eadem prorsus fides adhibeatur, quæ presentibus adhiberetur, si forent exhibitæ, vel ostensæ. Nulli ergo omnino hominum liceat hanc paginam Nostræ decreti, confirmationis, concessionis, indulti, constitutionis, & voluntatis infringere, vel ei ausu temerario contraire; si quis autem hoc attentare præsumperit, indignationem Omnipotentis Dei, ac BB. Petri, & Pauli Apostolorum ejus se noverit incursum.

Datum Romæ apud S. Mariam Majorem, Anno Incarnationis Dominicæ millesimo septingentesimo quadragesimo primo, pridie Kal. Julii, Pontificatus Nostræ Anno Primo.

D. Card. Passioneus.

X. Sub-Darius.

VISA DE CURIA.

N. Antonellus.

A. S. Sisti.

Loco * Plumbi.

Registrata in Secretaria Brevium.

Jurisdicção in Ægyptios aliosque Ritus Cophtici ad Ecclesiam Catholicam conversos, quibuscumque sint Diæcesis, tribuitur Episcopo Hierosolymitano ejusdem Ritus.

Venerabili Fratri, Athanasio Episcopo Hierosolymitano Ritus Cophtiorum.

BENEDICTUS PAPA XIV.

Venerabilis Frater, salutem, & Apostolicam Benedictionem.

QUEMADMODUM ingenti latitia exultat cor nostrum, cum ad veram Catholicæ Fidei, & Sanctæ Romanæ Ecclesiæ, cujus universalis procuratori per immensam Divinæ Bonitatis abundantiam plane immerentes præfecti fuimus, cognitionem, finem, & obedientiam, ejuratis hæresum, ac schismatum erroribus, Animas pretioso Jesu Christi Domini Nostræ sanguine redemptas convolare accipimus; ita non minori sollicitudine, ac dolore afficimur, cum intelligimus tot Christifideles ab ejusdem Romanæ Ecclesiæ amplexibus longe distractos, & in sinceritate Fidei Orthodoxæ Deo famulari cupientes, veluti Oves sine Pastore errare, & veluti parvulos cælestem panem petere, nec esse, qui ipsis frangat. Benedictus Deus, & Pater Domini Nostræ Jesu Christi Pater misericordiarum, & Deus totius consolationis, qui consolatur Nos in omni tribulatione nostra, ut possimus & ipsi consolari eos, qui in omni pressura sunt.

§. 1. Cum itaque quamplurimi Ritus Cophtici Fideles, tam sæculares, quam Ecclesiastici, paucis ab hinc annis, veritatis lumine illustrati,

qui

Rebellei Fidei, & S. Seculi, Privilegiis Privantur.

Exemplorum Fides.

Sanctio.

Data die 30. Junii 1741.

XXV.

Pontificis gaudium in conversione hæreticorum, & schismaticorum.

Et cura de ipsorum regimine, & gubernatione.

Cophti ad Catholicam Fidem conversi Pastoribus destituuntur.